

Қиёматда ўзини «Унайс» деб танитишни орзу қилган анзорий



11:00 / 22.05.2023 2700

«Эй Аллоҳ, уни мол ва фарзанд билан ризқлантириш ва унга барака бер!»
Расууллоҳ соллаллоҳу алайҳи васалламнинг дуоларидан

Анас ибн Молик розияллоҳу анхуга онаси шаҳодат калимаси ўргатган кезда у ҳали ёшгина бола эди. Ёшгина Анас Расууллоҳ соллаллоҳу алайҳи васалламни ҳали кўрмасданоқ, у зот ҳақида эшишиб, қулоғи билан у зотга ошиқ бўлиб қолганди. У ўзи Маккага Набий алайҳиссаломни кўришга боришни ёки Расууллоҳ соллаллоҳу алайҳи васаллам Мадинага келса-ю, у зотни кўриб бахтиёр бўлишни қанчалар орзу қиласар эди. Кўп вақт ўтмай Расууллоҳ соллаллоҳу алайҳи васалламнинг Мадинага ҳижрат қилиб келаётгани хабари тарқалди. Бир куни тонг пайти Мадинада кишилар «Мұҳаммад ва унинг соҳиби Мадинага яқин қолибди», деб жар солишиди. Буни эшифтган одамлар каттаю-кичик, жамоат-жамоат бўлиб, у зот соллаллоҳу алайҳи васаллам келаётган томонга қараб шошиб боришар эди. Ана шу бахтиёр инсонларнинг ичида Анас ибн Молик розияллоҳу анху ҳам бор эди. Расууллоҳ соллаллоҳу алайҳи васаллам улар томонга келиб, эркаклар орасидан юрдилар. Аёллар ва ёш болалар эса уйларнинг томларига чиқиб, у зот алайҳиссаломни кузатишар ва бир бирларига: «У зот қайси бири?! У зот қайси бири?!», дейишар эди. Ана ўша кун Анас ибн Молик учун эсдалик куни бўлиб қолди, ҳатто ёшлари юздан ошганда ҳам

ўша кунни эслаб юрар эди.

У зот соллаллоҳу алайҳи васаллам Мадинаға келганига ҳали қўп бўлмай, Анаснинг онаси Ғумайсо бинту Милҳон уни Расууллоҳ соллаллоҳу алайҳи васалламнинг ҳузурларига олиб бориб, салом берди ва: «Эй Аллоҳнинг Расули, ансорлар ичида сизга совға бермаган бирорта эркак ва аёл қолмади. Мен эса сизга совға қилишга ушбу ўғлимдан бошқа нарсани топмадим, шуни олинг, сиз хоҳлаганингизча хизматингизда бўлсин», деди.

Расууллоҳ соллаллоҳу алайҳи васаллам бу болани кўриб хурсанд бўлдилар ва муборак қўллари билан унинг бошини силаб қўйдилар.

Анас ибн Молик розияллоҳу анҳу Расууллоҳ соллаллоҳу алайҳи васалламнинг хизматларини қилишга мушарраф бўлган вақтда ўн ёшда эди. Ана шу вақтдан бошлаб то Расууллоҳ соллаллоҳу алайҳи васаллам вафот этгунларича тўлиқ ўн йил у зотнинг хизматларида бўлди. Шу ўн йил мобайнида Расууллоҳ соллаллоҳу алайҳи васалламнинг барча ҳолатлари ва шамоилларидан боҳабар бўлиб, у зотнинг ҳидоят булоғидан баҳраманд бўлди.

Расууллоҳ соллаллоҳу алайҳи васаллам гоҳида уни «Эй Унайс» деб, гоҳида эса «Эй болам» деб эркалаб чақирар эди.

Анас ибн Молик розияллоҳу анҳунинг қалби, ақли ҳамда зеҳн-заковатлари Расууллоҳ соллаллоҳу алайҳи васалламнинг насиҳат чашмаларидан суғорилган эди. Қуидагилар Расууллоҳ соллаллоҳу алайҳи васалламнинг унга қилган насиҳатлари жумласидандир:

- Эй болам, агар қалбингда бирор кимсага нисбатан ҳасад бўлмаган ҳолда кунни ўтказа олсанг, шундай қилгин.
- Эй болам, чунки бу нарса менинг суннатимдир. Ким менинг суннатимни тирилтирса, мени яхши кўрган бўлади. Ким мени яхши кўрса, жаннатда мен билан бирга бўлади.
- Эй болам, уйингга кирганингда аҳлингга салом бер. Бу нарса сен учун ва аҳлинг учун барака бўлади».

Анас ибн Молик розияллоҳу анҳу Расууллоҳ соллаллоҳу алайҳи васаллам вафотларидан кейин ҳам саксон йилдан зиёд узоқ умр қўрдилар. Шу

Йиллар мобайнида қанчадан-қанча қалбларни Расууллоҳ соллаллоҳу алайҳи васалламдан олган илм ва фиқхга тўлдириб юбордилар.

Анас ибн Молик розияллоҳу анҳу мана шу узоқ умрлари давомида мусулмонлар мурожаат қиласиган манба бўлдилар. Мусулмонлар ўзлари учун мушкул бўлган масалаларда унга таянишар, суюнишар эди.

Анас ибн Молик розияллоҳу анҳу умр бўйи Расууллоҳ соллаллоҳу алайҳи васалламни зикр қилиб (ёд олиб) ўтдилар. Расууллоҳ соллаллоҳу алайҳи васаллам билан учрашган кунлари учун қаттиқ хурсанд бўлар, ажрашган кунлари учун эса кўп ёш тўкар ва у зотнинг сўзларини такрор-такрор айтар эдилар.

Анас ибн Молик розияллоҳу анҳу Расууллоҳ соллаллоҳу алайҳи васалламнинг сўзлари ва феълларига эргашишга ҳарис эдилар.

Умридаги энг кўп ёдга оладиган кунлари икки кун эди: Расууллоҳ соллаллоҳу алайҳи васаллам билан учрашган кунлари ҳамда у зотдан ажралган кунлари эди. Қачон у зот билан учрашган биринчи кунини эсласа, худди хушбўй ҳидни ҳидлагандек, ўзини баҳтиёр ҳис қиласиди. Қачон у зотдан ажралган кунни эсласа, йиғларди ва атрофидагиларни ҳам йиғлатар эди.

Анас ибн Молик розияллоҳу анҳу Пайғамбар соллаллоҳу алайҳи васалламга ўн ийл хизмат қилиб, у зотнинг кўплаб дуоларини олган. Жумладан, қуйидаги дуоларини:

Пайғамбар соллаллоҳу алайҳи васаллам унинг молига барака сўраб дуо қиласиганлар. Анас розияллоҳу анҳу ансорлар ичидаги мол-мулки энг кўп саҳобалардан эди. Унинг боғлари бўлиб, ҳар йили икки марта ҳосил берарди.

Фарзандларига барака сўраб дуо қиласиганлар. Анас ибн Молик розияллоҳу анҳу саҳобалар ичидаги фарзандлари энг кўп саҳобалардан бўлиб, фарзандлари ва набираларининг адади юздан ошган эди.

Умрига барака сўраб дуо қилганлар. Ёшлари юз йилдан ошди, яъни бир асрдан ошиқ умр кўрдилар.

Гуноҳларига мағфират сўраб дуо қилганлар. Анас розияллоҳу анҳу: «Мен тўртингисини (мағфиратни) умид қиласман», дердилар.

Анас ибн Молик розияллоҳу анҳу Набий соллаллоҳу алайҳи васалламнинг шафоатларини қаттиқ умид қилиб, кўпинча шундай дер эдилар: «Мен Қиёмат куни Расулуллоҳ соллаллоҳу алайҳи васаллам билан учрашиб, у зотга: «Эй Аллоҳнинг Расули, бу киши сизнинг хизматчингиз Унайс», дейишни орзу қиласман».

Анас ибн Молик розияллоҳу анҳу касал бўлганларида, вафотлари олдидан ўз аҳлларига: «Менга: «Лаа илаҳа иллаллоҳу Муҳаммадур-Расулуллоҳ»ни талқин қилинглар», дедилар ва то вафот этгунларича шу калима айтишда давом этганлар.

У киши Расулуллоҳ соллаллоҳу алайҳи васалламнинг кичкина ҳассаларини ўзи билан бирга қамиси (кўйлаги) ва ёнбоши орасига қўйиб дафн қилишларини васият қилганлар.

Анас ибн Молик розияллоҳу анҳу ҳадис ривоят қилишда Абу Ҳурайра ва Абдуллоҳ ибн Умар розияллоҳу анҳумолардан кейин учинчи ўринда турадилар.

Аллоҳ таоло Анас ибн Молик ва у зотнинг оналари Ғумайсо розияллоҳу анҳумоларнинг Ислом ва мусулмонлар учун қилган хизматлари сабабли улуғ мукофотлар билан тақдирласин!

**Қудратуллоҳ Сидикметов
Тошкент ислом институти ўқитувчиси.**

Ушбу мақола (видео материал) Ўзбекистон Республикаси Дин ишлари бўйича қўмитанинг 2023 йил 14 марта 03-07/1733-рақамли хуносаси асосида тайёрланди